

Portum desidentes, omnia sciscitantur, vt ex eo vectigal accipiant: Das sind die Portitores, welche an den Haven auffwarten/ vnd alles außforschen/ auff daß sie den Zoll davon heben. Solche Zöll sind auch vor den Römern/ wie Plutarchus vnd Dionysius bezeugen/ von andern Königen in ihren Königreichen gehalten worden. So erzehlet auch Titus Liuius lib. 32. welcher massen die beyde Censores, Africanus vnd Pærus die Zölle zu Capua vnd Puteolis bestanden: Vnd daß hernach Lepidus noch viel andere hab auffgerichtet/ welche/ wie Dion meldet/ in dem Consulatu Afranii vnd Metelli sind abgeschafft worden. Was aber dieselbige für Steuern getragen/ kan man auß den Worten Ciceronis ad Atticum etlicher massen abnehmen/ da er sagt: Portoriis Italiae sublatis, agro Campana diuiso: nullum superest vectigal domesticum præter vicestimam. Suetonius schreibet auch/ daß Cæsar der erste sey gewesen/ der dē Zoll auch auß frembde Wahren/ so in den Haven ankommen/ geschlagen habe.

Es haben auch die Römer einen Zoll auff das Saltz gelegt/ dessen Titus Liuius in Beschreibung des zwenten Carthaginensischen Kriegs gedendet/ vnd Neroni, beneben einem/ so Liuius geheissen/ vnd dannhero Liuius Salinator genennet worden/ die Schuld gibt/ daß er denselbigen hab außgebracht.

So haben sie auch/ wie Blondus meldet/ einen Zoll auff dem Viehe gehabt/ welcher ein ziemliches eingetragen/ vnd sind die/ so denselbigen außgehoben/ wie Festus anzenget/ Pecuniarii genennet worden. Sonsten ist auß Varrone bekandt/ daß von dem Wort Pecus, der Name Pecunia herkommen/ dieweil d̄ meiste Handel/ od̄ Handthierung mit Viehe gewesen/ derhalben man die für reich gehalten/ die viel Viehes gehabt: oder aber/ dieweil die küpffer

ne gemeine Münze bey den Alten mit einem Thier sey gepreget gewesen.

Auch haben sie einen gewissen Zoll von den Wäldern gehoben/ wie man von Cicerone in oratione pro Milone zuvernehmen. Desgleichen meldet auch Frontinus von dē Wassern/ so von PrivatPersonē in die Statt Rom geleitet/ vnd von den Fischteichen/ daß sie ein grosses Einkommen davon gehabt haben.

Item haben sie auch Jährlich einen grossen Steuer vnd Zoll von den Feldern/ die sie beydes in Italia den Bürgern/ oder außserhalb den Bundsgenossen/ oder sociis populi Romani verliehen haben/ nemlich den Zehenden von allem Einkommen vnd Früchten derselbigen. So hat auch der zwanzigste/ welchen sie insonderheit von den Libertinern gehalten/ ein ziemliches getragen. Vor allen aber haben die Zölle/ so auß die Wahren/ welche int ganken Land sind auß vnd eingeführet worden/ jährlich ein vber alle massen grosse Summa Gelds eingebracht. Vnd wer darvon weitern Bericht begehrt/ mag bey vorgemeldten Sigonio vnd Blondo nachsuchen.

Hierauß ist genugsam abzunehmen/ daß dieses vor Zeiten ein ehrliches vnd hochgeachtetes Werck bey den Römern/ wie auch bey andern Völcern gewesen/ vnd noch für sich selbst ist auß den heutigen Tag. Nicht löblich aber ist es/ sondern Regenten hoch verweißlich/ daß in den jetzigen Zeiten/ in welchen ohne das genugsame Beschwerungē vorkommen/ auß Anleutung offtermals vntrewer Räthe/ die Vnderthanen mit allerhand neuen Auflagen vñ Zöllen beschweret werden/ dannhero dan̄ dieses entstehet/ daß nit allein die Vnderthanen gedrucket vnd außgesogen/ da doch die Herrschafften wenig Steuern von haben/ sondern auch/ daß/ wann man von Zöllnern redet/ jederman gleichsamb erschrickt/ erzittert/ vnd beynahelieber den Teuffel/ als